

葉夢得曰易以聰明睿智而不殺者謂之神武季康子問如殺無道以就有道孔子告之曰子爲政焉用殺夫雖無道而亦不可殺戰勝而處以喪禮宜也

黃茂材曰夫兵之不可去者以盜賊敵國之爲人害非兵不除而不善用者殺人之禍乃甚於盜賊敵國故此凡三致意焉皆戒於用兵而不及於盜賊敵國然則有道之士虛無恬淡無所慕悅又何慮於外物聲色之慾有以害吾也哉

道常無名章第三十二

道常無名樸雖小天下莫能臣侯王若能守萬物將自賓天地相合以降甘露人莫之令而自均

道藏輯要

道德真經
彭鶴林集註

三

心集七
XOII

御註曰道者天地之始豈得而名樸以喻道之全體形名而降大則制小道之全體不離於性小而辨物莊周所謂其有真君存焉道足以爲物之主則物自賓服萬物而不以威刑幾是已純素之道守而勿失匪特物將自賓上際於天下蟠於地上下與天地同流則交通成和而萬物咸被其澤甘露者天地之和氣傳曰帝王之德上及太清下及太甯中及萬靈則甘露降

涑水司馬光曰侯王守道則物服氣和民化

穎濱蘇轍曰樸性也道常無名則性亦不可名矣故其爲物舒之無所不在而歛之不盈毫末此所以雖小而不可臣也

故匹夫之賤守之則塵垢粃糠可以陶鑄堯舜而侯王之尊不能守則萬物不賓矣沖氣升降相和爲一而降甘露昭然被於萬物無不均遍聖人體至道以應諸有亦如露之無不及者此所以能賓萬物也

臨川王安石曰道常無名矣名者強名之也樸者道之本而未散者也小者至微而不可見者也樸未散則雖小足以爲物之君樸散則爲器器則雖聖人足以爲官長而已故曰樸雖小天下莫能臣

陸佃曰樸者藏於無名之域而與神明居與造化遊所以爲天下貴者也豈復有加之者哉故曰樸雖小天下莫能臣侯

道藏輯要

道德真經
彭鶴林集註

三

心集七
X卅X

王者萬物之主而萬物之所視而效者也苟爲寄於萬物之上而守之以無名之樸則萬物將自賓而人與天地之和應也天地相合以降甘露所謂天地之和而人莫之合而自均所謂人和也夫惟以道致平而人與天地之和應矣

道真仁靜先生曹道沖曰樸非器位名數無上下之定分先於品物故不能臣之若能抱樸守真無爲拱嘿萬物自服天地交泰甘露乃降和之至也甘露效祥人莫能使之而然上下交感陰陽之氣自和矣

清源子劉驥曰道之真常天地之始造化之先不可得而名故謂之樸樸以喻道之大全所謂天地之純古人之大體也

雖覆載天地彌滿六虛然反求諸已不離乎方寸之中可謂
眇乎小哉故言樸雖小視之不見其形聽之不聞其聲窈兮
冥兮難測難識天地不能犯聖智不能干故天下莫能臣乃
萬物之所係一化之所待也故侯王若能守萬物將自賓守
而勿失與道爲一上際於天下蟠於地兩者交通成和而物
生焉故天地相合以降甘露甘露者天地之和氣也人莫之
令而自均出於自然也

黃茂材曰樸亦道也道無名謂之樸皆強名也域中四大而
道爲先孰能臣之古之侯王無有不知道者天地合而降甘
露和氣所致也人身中陰陽之交感水火之相濟蓋亦有不

道藏輯要

道德真經
彭鶴林集註

西

心集七
X卅六

約而同者均同也

程大昌曰雨之與露皆天地交感之氣而澤之所被均與不
均則不同也東州之澇西州之暎通天下觀之未嘗或能周
徧也此固不得不云交感若夫露也者不與雨同矣無遠無
近無希無驟且四時有之雖其旱而淵谷皆竭其莫夜之滋
濡厭滄輕細均齊天下如一此蓋天地騰降而有常者也故
老氏取象於均而求原於合也

始制有名名亦既有夫亦將知止知止所以不殆

碧虛子陳景元曰始者道也無名也道常無名也有名者萬
物之器用也夫道始無名能制御有名之物是謂樸散則爲

器聖人用之則爲官長名器者亦盡爲王者之所有名分既立尊卑是陳不可越乎上下故亦將知所止足能知止足者是自知曰明旣明且哲豈有危殆乎河上公本作天亦將知之言人能法道行德天亦將知之隨註解釋義理相通涑水司馬光曰聖人得道必制而用之不能無言雖以有名教民亦務簡要勿令滋彰

穎濱蘇轍曰聖人散樸爲器因器制名豈其徇名而忘樸逐末而喪本哉蓋亦知復於性是以乘萬變而不殆也

臨川王安石曰名者非道之本也以其始有所制則於是有名矣論語堯曰蕩蕩乎民無能名焉以其有所制也故名隨之故曰始制而有名有名矣不止則用有時而竭身有時而殆故堯老而舜攝也故曰夫亦將知止知止所以不殆王雱曰名迹旣立則名將遂而不反枝葉橫生源流派別而性命爛熳矣故始制有名當卽知止而終無爭奪之危制者判樸成器之謂

陸佃曰天下之名吾皆得而有之故曰始制有名名亦旣有然而功成名遂身退天之道也故曰夫亦將知止知止所以不殆

道真仁靜先生曹道沖曰初以無名之樸制於有名之器使高卑不亂名分以定各有所屬過此已往近於煩細事成息

念亦當知其止息矣不盡慮以憂人亦休心而適已息念保身終身不困

陳象古曰天地既判名從此制必有資始資生之繁豈無名而可言乎物既眾而名既多在知止以御之不知止則物窮而塞所以危亡之幾生焉

清源子劉驥曰體道至此始制有名始謂道也其道能制御有名之物所謂物物而不物於物也既有其實必有其名雖和光同塵毋近於名而名自彰故名亦既有既有其名若不知止則捨己從人以賣名聲於天下而失其本心知止則恬然自足於內淡然無求於外故不殆

道藏輯要

道德真經
彭鶴林集註

美

心集七
川文、

黃茂材曰始制有名自無而始適有也處羣有申不知所止將逐物而忘返其危矣哉故莊子曰吉祥止止

林東曰聖人散樸以爲器因器以制名雖勢所必至又豈徇名而忘樸逐末而喪本故能知止而不至於危殆正所謂大曰逝逝曰遠遠曰反之意

譬道之在天下由川谷之與江海也

御註曰天下一性也道之在天下以性而合由川谷之與江海以水而聚同焉者得類焉者應聖人之臨蒞何爲哉因性而已矣

穎濱蘇轍曰江海水之鍾也川谷水之分也道萬物之宗也

萬物道之末也皆水也故川谷歸其所鍾皆道也故萬物賓其所宗

道真仁靜先生曹道沖曰江海水之宗川谷水之派異流終返於源百慮同歸於道

黃茂材曰人之於道如川谷之赴江海無有不至惟其不知道之所在故有橫流絕港之患

知人者智章第三十三

知人者智自知者明

御註曰傳曰智如目也能見百步之外而不能自見其睫察人之邪正若辨白黑是智之事知人而已易曰復以自知傳

道藏輯要

道德真經
彭鶴林集註

三

心集七
川上文

曰內視之謂明智以知人則與接為構日以心鬪復以自知者靜而反本自見而已天地之鑑也萬物之照也

碧虛子陳景元曰知人善惡而分別之之謂智故曰知而言之所以之人也是謂適人之智而已矣而不自知者也自知而默守之之謂明故曰知而不言所以之天也是謂自適其明而已矣此可以超乎智之上也

穎濱蘇轍曰分別為智蔽盡為明分別之心未除故止於知人而不能自知蔽盡則無復分別故能自知而又可以及人也

道真仁靜先生曹道沖曰智以達外但能知人明以照內自